



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Dogmata Sæcvli I. Nouatoribus contraria. Exempli gratia.

**urn:nbn:de:hbz:466:1-35233**

tendit in Asiam minorem anno 44. In oleo bulliente illæsus Romæ, ab Domitiano in Pathmum relegatus prædicavit anno 92. & Apocalypsim scripsit ibidem anno 94. Demum ab Nerua exilio absolutus redit Ephesum anno 99. Scribitque contra hæreticos Euangelium & Epistolas, in clutus miraculis.

S. PAVLVS, vita, miraculis, scriptisque Epistolis vir omnino diuinus ecclesias fundauit, & orbem illustrauit.

S. Petrus, Iacobus, Iudas Ecclesiam quoque Epistolis informarunt.

S. DIONYSIVS anno 52. à S. Paulo conuersus, à Clemente Papa, cum Rustico & Eleutherio in Galliam missus scripsit de cœlesti Hierarchia, deque diuinis nominibus &c.

S. IGNATIVS, S. Ioannis discipulus epistolas reliquit, præcis dictas Promptuarium Diuinarum Traditionum.

Idem Antiochiæ primus choris æternis canere docuit, cum Angelos eodem ritu SS. Trinitatem laudantes audisset, anno 93.

S. LINVS Papa scripsit epistolas de martyrio SS. Petri ac Pauli anno 70.

S. Clemens Papa cõscripsit Cõstitutiones Apostolicas, & epistolas, Canones Apostolorum, Liturgiam, Libros recognitionum.

S. POLYCARPVS Episcopus & Martyr scripsit ad Philppenses.

S. MARTIALIS S. Petri discipulus epistolam dedit ad Burdegalenses.

PRESBYTERI Achaïæ perscripserunt Acta S. Andree quo um præcipuus Papias Episcopus Hierosol.

## DOGMATA SÆCVLI

### I. Nouatoribus contraria. Exempli gratia.

I. *De Sacrificio Missæ* scripsit Liturgiam S. Iacobus Ierololymitanus, qua Orientales vtuntur: Item composuit aliam S. Clemens l. 8. Const. c. 16. 17, quam Concil. Constantinop. c. 31. recepit, & S. Marcialis eam commendat, S. Andree vox est apud Presbyteros Achaïæ: *Ego Sacrificio Deo vero, non carnes vitulorum, seu Agni immaculati in altari.*

II. *Veritatem Corporis & Sanguinis Christi in Eucharistia* confitetur S. Ignatius ep. ad Smyrn. S. Dionys. in Eccl. Hierar. c. 3. S. Marcialis.

III. *Orationem pro defunctis* habet S. Iacobus in Liturgia, S. Clemens l. 8. Const. c. 41. S. Dionys. in Eccl. Hierarchia passim.

Vndè dogma de Purgatorio confirmatur.

IV. *Inuocationem Sanctorum præsertim Angelicam Salutationem*, S. Iacobus intulit in Liturgiam.

V. *Virginum institutum* commendat S. Ignatius ad Antiochenos, Tarfenses, & Heronem.

VI. *Monasticen* laudat S. Dionysius in Eccl. Hierarchia.

VII. *Ceremonias* præscribit S. Clemens lib. Const. S. Dionys. in Eccl. Hierar. ab Apostolis introductas.

VIII. *Crucis signum* commendat S.

b 2 Dio-

Dionysius cap. de defunctis: *Martialis* ad Burdegal. c. 8. ait: *Crucem Domini semper in mente, in oro, in signo tenete. Crux enim est armatura vestra.*

IX. *Ietunia ecclesiastica, Quadragesimam* statuunt *Canones Apostolorum* can. 68. 69. ab S. Clemente collecti. Item S. *Ignatius* ep. ad Philippen.

X. *Ecclesiasticos Ordines* annumerat S. *Ignatius* ep. 10. & 11. S. *Dionys.* in Eccl. Hierar. eis munia assignat.

XI. *Imaginum cultum* ostendunt *Vmbra Petri*, sanatrix agrorum. *Imago* non manufacta, Abagaro Edessenorum Regi à Christo missa: Philippico parat victoriam. *Statua Christi* ex solido metallo, quam Paneade Syrophœnissa Domino statuit. Quas Christi & Deiparæ pinxit imagines S. *Lucas*.

XII. *Primum S. Petri* confitentur S. *Ignatius*, S. *Clemens* in epistolis ad Romanos: S. *Cletus* de passione Petri & Pauli. Plura infra in *Varijs*. Pauca nunc suffecerint: sic enim ire per plura licebit.

## HÆRESIARCHÆ IN Sæculo I. diffusi Pa- pis.

I. SIMON MAGVS Samaritanus, è vico oriundus, à S. Philippo in Samaria baptizatus, apostatauit in *Primogenitum Satanae*, ait S. *Ignat.* epist. ad Trall. omnium hæreticorum Pater, simiusq; diaboli, videns baptizari in nomine Patris & Filij & Spir. S. finxit anno 35. teste *Iren.* l. 1. c. 20. quod quasi Pater in Sama-

ria descendisset, quasi Filius Dei inter Iudæos apparuerit: quasi Sp. Sanctus in Gentibus videatur.

2. Vt Paulus Christum: ita se ipse dicebat esse *Virtutem Dei*.

3. Vt Christus venit redimere & salutare: ita iactabat, se propter Selenam ouem perditam venisse, vt assumeret eam, vinculis liberaret, saluaret homines per agnitionem sui.

4. Vt Christus venit ad opera diaboli soluenda: ita se venisse aduersus Angelos prauos, qui Selenam matrem omnium cælo expulissent.

5. Loco Corporis & Sanguinis Domini in Sacrificio ipse sanguine mestruo & semine sacrificabat.

6. Vt Simon Petrus sororem, sic ipse Selenam quæstuariam circumducebat.

7. Pro exorcismis utebatur incantationibus.

8. Docebat amatoria, fugam martyrij, idola adorari, solâ gratiâ saluari homines, non ex operibus; sibi credentem esse liberos, agerent quæ vellent.

9. Discipulos fecerat Menandrum, Saturnium, Basilidem, Carpocratem, Cherinthum, Ebionem, Nicolaum, Cerdonem, Marcionem, philosophorum nomine Christianos, plurimorum seductores. Statuam Simonis in figura Iouis, & Helena (specie Mineræ, adorati docebant; & ipsi ex alijs adiuuenti noui Hæresiarchæ facti.

II. S. Petrus, Act. 8. eius Simoniam cum ipso anathematizauit.

Anno 44. Deum se ac Christum prædicans Romæ sui Selenæque statuas crexit adorandas, subscriptas ita: *Simoni Deo*